

# Lingua rumena

---

*Dâ Wikipedia, la nciclopedia libbira.*

La **lingua rumena** ('n rumenu: **limba română**) è na lingua rumanza o neo-latina appartenenti ô gruppu dî lingui indoeuropei, fideli cuntinuatrici - ntê sô formi cchiù originari - dû latinu. Lu sô alfabetu è furmatu di 26 littri (*8 vucali e 18 cunsunanti*).

Secunnu na statistica, u rumenu havi lu 90% di elementi latini ntâ lingua cumunimenti parrata e scriuta, contra lu 10% di elementi slavi. È parrata di circa 18 miliuna di pirsuni n Rumania e macari nta diversi parti dâ Serbia e Montenegro, dâ Croazzia, dâ Slovenia, dâ Bosnia-Erzegovina e dâ Macidonia. E' usata macari n Bulgaria e n Ungaria. N Moldavia si ni pratica na varianti chiamata moldavu.

## Ìndici

---

**Origini e struttura**

**Dialetti**

**Autri pruggetti**

**Lijami sterni**

## Origini e struttura

---

Ntâ pircintuali di li elementi nun latini trasinu li palori di origini slava, turca, bizzantina e greca, ungarisi e albanisi. Trasiru durante li sèculi, e soprattutto doppu lu sèculu VII, quannu lu latinu fu ancora lingua officari di l'antica Dacia, culunizzata dî rumani ntô sèculu I.

Ntra tutti li lingui rumanzi, u rumenu presenta n'evoluzioni maggiormenti naturali; c'havi nfatti un carattiri abbastanza pupulari ppicchì nun fu nterruttu ntô sô sviluppu di na littiratura classica ntô sensu strettu; chistu spiega, p'asempiu, u fattu ca chista lingua c'havi na quantitati mpurtanti di palori e formi latini ca nun esistunu cchiù ntê àutri lingui rumanzi.

La sô origini s'arritruva ntô *dacoromenu* dâ riggiuni stùrica di Valacchia, n Rumania. U primu testu canusciutu prudottu nta chista lingua è dû sèculu XVI, esattamenti ô 1521; di allura, abbisugna fari un sàutu di cchiù di 200 anni ppi arritruvari un àtru testu: n'iscrizzioni n dialett *arumenu* (o *macidoromenu*) dû 1731.

U rumenu - ca cunsirva ntra li tratti latini a particolari flissioni dî nomi - havi macari a particolaritati di previdiri - comu nta àutri lingui d'origgini balcanica, nta chistu casu nun rumanzi - l'usu di l'articulu ditirminativu doppu lu nomu.

## Dialetti

---

Ntra li diversi dialetti nterni dâ lingua rumena (usati picca picca e parrati di pochi migghiara di pirsuni - sunnu a signalari u *meglenoromenu* (o *megleniticu*), parratu nta l'aria di Saluniccu, n Grecia, e l'*istrorumenu* (praticatu ntâ pinisula istriana).

## Autri prugetti

---

-  [Wikipedia](#) hava n'edizioni 'n [lingua rumena](#)

## Lijami sterni

---

"Dicționare ale limbii române" - Dizziunariu dâ Lingua Rumena (<http://www.dexonline.ro>)

---

Estrattu di "[https://scn.wikipedia.org/w/index.php?title=Lingua\\_rumena&oldid=729160](https://scn.wikipedia.org/w/index.php?title=Lingua_rumena&oldid=729160)"

---

Sta pàggina fu canciata a 09:39 di lu 11 maiu 2020.

Stu testu è dispunìbbili sutta â [Licenza Creative Commons Attribuzzioni/Spartuta dâ stissa manera](#); si ponnu applicari àutri cunnizzioni. Talìa li [Cunnizzioni d'Usu](#) pi li dittaghî.